

Deliberaun kona-ba Mata Dalan Hato'o Keixa

Deliberaun nú 1/2019, loron 4 fulan Janeiru

Tuir Dekretu Lei N.^u 25/2015 ne'ebé kria no aprova Estatutu Conselho de Imprensa, iha mos artigu 42.^u Lei Komunikasun Sosiál katak Conselho de Imprensa nu'udar entidade administrativa reguladora independente no hala'o ninia atribuisaun no kompeténsia ne'ebé la submete ba diresaun ka orientasaun sira husi poder polítiku nian.

Ho natureza ne'ebé iha mak fó poder boot tebes ba Conselho de Imprensa hodi bele hari'i sistema ida atu bele haforsa nia servisu hodi atende parseiru sira diak liu tan liu-liu husi kria sistema ne'ebé diak hodi hala'o atendentu ne'ebé profesionál.

Hanesan órgaun reguladora no operador ba órgaun komunikasaun sosiál sira iha Timor Leste, Conselho de Imprensa sei kria rasik ninia Mata Dalan espesífiku ida ho ninia mekanismu hodi jere servisu wainhira simu keixa husi órgaun komunikasaun sosiál sira kona-ba lala'ok no obra husi jornalista sira. Mata Dalan ne'ebé halo ne'e, sei tulun Conselho de Imprensa hodi rezolve keixa ne'ebé tama no haforsa servisu Conselho de Imprensa hanesan órgaun independente ida .

Tanba ne'e Conselho de Imprensa liu husi diresaun Apoiu Jurídiku Étika no Liberdade Imprensa konkorda atu serbisu hamutuk hodi bele aplika Mata Dalan ida ne'e.

Mata Dalan ne'e nu'udar regulamentu ida iha Conselho de Imprensa atu koalia kona - ba:

- Prosesu Simu Keixa;
- Halo pareser ba keixa ne'ebé mak tama;
- Mekanismu ne'ebé sei uja ba keixa sira. .

Mata Dalan ida ne'e diresaun hotu - hotu ne'ebé mak haknar-an iha Conselho de Imprensa mak uza.

Kapitulu I Parte Jerál

Artigu 1. " Objetivu

1. Mata Dalan ida ne'e nia objetivu mak tuir mai:

- a. Prepara sistema uniforme ida atu ajuda diak liu tan pesoál CI nian, hodi hadia diak liu tan sistema simu keixa ne'ebé publiku hatu'o mai CI.

[Handwritten signatures and initials in blue ink at the bottom of the page]

- b. Atu hamenus uza tempu ne'ebé adekuadu husi prosesu simu keixa no to'o lalaok keixa nomós solusaun ba keixa ne'e to'o remata.
- c. Sai nu'udar dokumentu ida ne'ebé CI sira uza atu administra keixa ne'ebé hato'o mai CI.

Artigu 2. "

Lista Akrónimu no Definisaun

CI	: Conselho de Imprensa
DAJELI	: Diresaun Apoiu Jurídiku Étika no Liberdade Imprensa
Keixa	: Hahalok ida ne'e la dun diak hasoru ema, insituisaun ka Organizasaun ida.
Prosesu simu keixa	: Mekanizmu simu keixa no buka solusaun
Pesoál ne'ebé simu keixa	: Pesoál ne'ebé iha kontratu serbisu ho CI, inklui Asesor/a sira.

Artigu 3. "

Ambitu Aplikasaun

1. Mata Dalan ne'e aplika ba pesoál hotu ne'ebé mak hala'o knar iha Conselho de Imprensa bainhira simu keixa ruma;
2. Mata Dalan ne'e sei uza ba keixa ne'ebé tama iha ligasaun ba produktu jornalístiku no hahalok ka atetude jornalista ne'ebé liga ba mundu jurnalizmu;

Artigu 4. "

Saida mak keixa

Keixa katak atividade ema ida, grupu, instituisaun ka organizasaun ne'ebé lamenta, la aseita ba obra no atividade jornalístiku nian.

Artigu 5. "

Se mak bele simu keixa

1. Keixa ne'ebé tama sei simu husi :
 - a. Pesoál DAJELI ne'ebé haknar - an iha CI;
 - b. Diretór DAJELI hanesan responsavel masimu ba diresaun jurídiku, Presidente no Konselleiru sira ne'ebé mak hala'o hela serbisu iha fatin bainhira ema mai hato'o keixa.

Brasile

f

4

RA

4

Kapitulu II

Prosesu Keixa

Artigu 6. "

Prosesu Simu keixa

1. Keixa ne'ebé rejistu no simu husi pesoál DAJELI ho seguru, husi ema ne'ebé ható'o keixa.
2. Ema ne'ebé ható keixa sei prenxe formuláriu ne'ebé prepara husi diresaun ne'e. Iha prosesu keixa sei halo mós entrevista atu bele hetan dados ne'ebé kompletu liu maski sira prenxe tiha-ona formuláriu keixa ne'ebé prepara.
3. Presiza oras rua (2) hodi kompletu prosesu sira tanba oras ida (1) atu prenxe formuláriu no oras ida (1) hodi halo prosesu entrevista. Atividade ida ne'e hotu sei hala'o husi ema ne'ebé mak responsavel ba simu keixa ne'e.
4. Keixa balun liu husi karta deit no diresaun DAJELI sei telefone ba pesoál ne'ebé lodi keixa mai ható'o iha CI, hodi completa formuláriu no kontinua entrevista hodi completa dados.

Artigu 7. "

Hatama dados

Pesoál DAJELI rekolha dados husi formuláriu ne'ebé prenxe no informasaun sira hodi entrevista ne'ebé hala'o ba pesoál ne'ebé ható'o keixa ba baze de dados no sei relata ba diretór DAJELI bainhira dados sira kompletu ona, hodi ba analiza. Tempu loron ida (1) atu completa iha sistema arkivu no elektróniku.

Artigu 8. "

Prosesu keixa

Bainhira prosesu baze dados kompletu ona, DAJELI sei serbisu hamutuk halo analiza ba keixa ne'e no foti medida ida diak liu ba rejolve keixa ne'ebé tama iha CI. Hafoin ekipa halo analiza klean, sei submete ba Diretór jurídku kontinua aprofunda no analiza medida sira ne'ebé foti tiha-ona. Bainhira ekipa verifika hotu, sei hakerek rekomendasaun ida ba membru CI sira atu estuda. Tempu ba analiza no foti medida sira sei hala'o durante loron tolu nia laran.

Artigu 9. "

Haruka ba plenária

1. Hafoin analiza DAJELI prepara pareser, medida atu rejolve keixa no submete ba plenária atu diskuti no hein dezisaun husi plenária. Iha medida tolu ne'ebé mak plenária sei halo :

B. Silva

f

4

HA

4

- a. Deside medida ne'ebé hakerek iha pareser no husu ba diresaun DAJELI atu ezekeuta tuir desizaun hosi plenária;
 - b. Atu arkivu keixa bainhira keixa ne'e la'os kompeténsia CI maibé sei fó surat koñesimentu ba keixa nain;
 - c. Membru CI sei halo mediasaun ba keixa ne'e no apoiu husi DAJELI, tanba keixa ne'e iha relasaun ho produktu jornalístiku no meu komunikasaun sosiál sira.
2. Durasaun ba prosesu ne'e loron ida (1) tanba ne'e plenária presiza loron ida atu halo aprovasaun no foti desizaun ba keixa ida ne'e.

Kapitulu III

Medida no Prazu ba Parte Sira

Artigu 10. "

Medida ne'ebé foti

1. Medida ne'ebé foti ba kada keixa deferente tuir natureza keixa ne'ebé tama ho nune'e ekipa DAJELI sei fó asesoria mak hanesan :
 - a. Karta rekomendasaun jurídku ba plenaria wainhira kazu ne'e konsidera kontra – ordenasaun.
 - b. Rekomenda ka informa ba keixa nain liu husi karta wainhira keixa refere la tama ba kompeténsia CI nian.
 - c. Se keixa ne'e konsidera kontra ordenasaun ka produktu journalistiku maka CI sei informa ba parte sira atu halo mediasaun.
2. Medida ne'e presiza loron sanulu resin lima (15) ba parte rua ne'ebé hato'o keixa no hetan keixa hodi hare observa no estuda, hafoin to'o ba konkordansia ida hodi fó resposta.

Kapitulu IV

Validade ba Mata Dalan

Artigu 11. "

Prazu ba revizaun

Tempu ba revizaun Mata Dalan ida ne'e sei bazeia-ba mandatu membru Conselho de Imprensa nian. Bainhira membru Conselho de Imprensa nia mandatu remata iha tinan 2020, se halo revizaun ba Mata Dalan ida ne'e no sei hetan aprovasaun fali husi membru Conselho de Imprensa foun sira.


[Handwritten signatures in blue ink at the bottom of the page]

Kapitulu V
Final

Artigu 12. º
Tama iha Vigór


Mata Dalan ida ne'e tama iha vigor, hahu hosi data aprovasaun iha plenária Conselho de Imprensa nian.

Aprova hosi membru Conselho de Imprensa iha loron 4 fulan Janeiru tinan 2019



Virgílio da Silva Guterres

Prezidente



José Maria Ximenes

Membru



Hugo Maria Fernandes

Membru



Paulo Adriano da Cruz Araújo

Membru



Francisco Belo Simões da Costa

Membru